



Kodeks o sprječavanju manipulacije takmičenjima

**Olimpijskog komiteta
Bosne i Hercegovine**

Sarajevo, 2021.

Kodeks o sprječavanju manipulacije takmičenjima

Prepoznajući opasnost po sportski integritet od manipulacije sportskim takmičenjima, Olimpijski komitet BiH (OK BiH) ponovo utvrđuje svoju predanost zaštiti integriteta sporta, uključujući zaštitu „čistih“ sportista i takmičenja kako je navedeno u Olimpijskoj agendi 2020;

Zbog složene prirode ove prijetnje, OK BiH prepoznaje da se ne može sam nositi s tom prijetnjom, pa je stoga ključna saradnja s javnim vlastima, posebno tijelima za provođenje zakona i sportskim kladionicama.

OK BiH izjavljuje svoju posvećenost podržavanju integriteta sporta i borbi protiv manipulacije takmičenjima pridržavajući se standarda utvrđenih Kodeksom olimpijskog pokreta o sprečavanju manipulacije takmičenjima, ovom Kodeksu i zahtijevanjem od svojih članova da učine isto.

KODEKS O SPRJEČAVANJU MANIPULACIJE TAKMIČENJIMA (OM Code PMC)¹

Uloge i odgovornosti OK BiH

Prema ovom Kodeksu, OK BiH ima sljedeće uloge i odgovornosti:

- a) osigurati da sve organizacije članice provode propise u skladu s Kodeksom olimpijskog pokreta o sprečavanju manipulacije takmičenjima (OM Code PMC);
- b) zahtijevati od svakog sportskog strukovnog saveza BiH da uspostavi pravila koja zahtijevaju od svakog učesnika u takmičenju ili aktivnosti koje je ovlastio ili organizirao sportski strukovni savez BiH ili jedna od organizacija članica da se slože da se obavezuju pravilima u skladu s OM Code PMC kao uvjet takvog za učešće;
- c) zahtijevati kao uslov za članstvo ili priznanje da su politike i pravila u skladu sa gore spomenutim Kodeksom;
- d) zahtijevati od članova da prijave bilo koje informacije koje sugerišu ili se odnose na kršenje pravila o manipulaciji takmičenja i da sarađuju sa istragama koje provodi bilo koja organizacija koja ima ovlaštenje za provođenje istrage;
- e) snažno se boriti protiv svih potencijalnih kršenja pravila o manipulaciji takmičenja u nadležnosti OK BiH;
- f) sarađivati sa relevantnim nacionalnim organizacijama i sigurnosnim agencijama;
- g) promovisati obrazovanje povezano s integritetom, uključujući zahtijevanje od Nacionalnih federacija da provode obrazovanje o integritetu u koordinaciji s primjenjivim obrazovnim programom Međunarodnih federacija;
- h) Preporučuje se da sportski kandidati za učešće na Olimpijskim igrama pohađaju obrazovni program koji pruža MOK, NOK, Međunarodna ili Nacionalna federacija;
- i) uskratiti neka ili sva sredstva tokom bilo kojeg perioda nepodobnosti bilo kojem

¹ Dostupno na: <https://stillmed.olympic.org/meia/Documnet%20Library/OlympicOrg/What-We-Do/Protecting-Clean-Athletes/Competition-manipulation/Code-Prevention-Manipulation-Competitions.pdf>

Kodeks o sprječavanju manipulacije takmičenjima

Učesniku koji je prekršio pravila ili zakone koji se odnose na sprečavanje manipulacije takmičenja.

- j) da uskrati neka ili sva sredstva za svoje članove ili priznate Nacionalne federacije koje ne djeluju u skladu sa OM Code PMC.

Primjena i opseg

1. Ovaj kodeks stupa na snagu 16.09.2021.
2. Ovaj se kodeks odnosi na:
 - a. OK BiH;
 - b. Sportske strukovne saveze BiH;
 - c. Učesnike;
 - d. Bilo koja druga osoba pod nadležnošću OK BiH.

Obaveze

1. Svaki Učesnik i osoba/tijelo na koje se ovaj Kodeks primjenjuje je lično odgovoran/na da se upozna sa ovim Kodeksom, uključujući, bez ograničenja, kakvo ponašanje predstavlja kršenje ovog Kodeksa i da se pridržava tih zahtjeva.
2. Učesnici bi također trebali biti svjesni da ponašanje zabranjeno ovim Kodeksom može predstavljati i krivično djelo i/ili kršenje drugih važećih zakona i propisa (uključujući propise Međunarodne federacije i sportskih strukovnih saveza BiH, propise za višesportske igre). Učesnici se u svakom trenutku moraju pridržavati važećih zakona i propisa.
3. Svaki sportski strukovni savez BiH treba:
 - pridržavati se ovog Kodeksa i provoditi pravila u skladu s OM Code PMC;
 - saradivati i pomagati OK BiH da ispuni svoje obaveze po ovom Kodeksu;
 - prijaviti OK BiH sve informacije koje sugerišu ili se odnose na krivično djelo manipulacije takmičenja i saradivati sa bilo kojom istragom;
 - zahtijevati od svih Učesnika da slože da se obavezuju pravilima u skladu s OM Code PMC kao uvjetom takvog sudjelovanja;
 - zahtijevati kao uvjet članstva da su politike, pravila i programi njegovih članova ili klubova u skladu s OM Code PMC;
 - poduzeti odgovarajuće mjere kako bi obeshrabrili nepridržavanje OM Code PMC-om;
 - prepoznati i poštovati nalaze o kršenju pravila Međunarodne federacije, [umetnuti NOK], krivičnog suda ili bilo koje druge organizacije bez potrebe za saslušanjem, pod uslovom da su nalazi u skladu s OM Code PMC i u nadležnosti dotičnog tijela;
 - odmah obavijestiti OK BiH o utvrđivanju bilo kakvog kršenja pravila i izricanju sankcija za kršenje bilo kojem Učesniku pod njenom nadležnošću;
 - promovisati obrazovanje o integritetu u koordinaciji sa OK BiH.

Član 1 (Definicije)

1.1. „Dobit“ znači direktno ili indirektno primanje ili davanje novca ili protuvrijednosti kao što su, ali se ne ograničavaju na mito, dobitak, poklon i druge pogodnosti,

Kodeks o sprječavanju manipulacije takmičenjima

uključujući, bez ograničenja, dobitak i/ili potencijalni dobitak kao rezultat uloga; prethodno ne uključuje službeni novac od nagrada, naknade za nastup ili uplate koje se izvršavaju pod sponzorskim ili drugim ugovorima.

1.2. „Takmičenje” znači svako sportsko takmičenje, turnir, utakmica ili događaj, organiziran u skladu s pravilima nacionalnih ili međunarodnih sportskih federacija ili s njom povezanim organizacijama ili, prema potrebi, u skladu s pravilima bilo koje druge nadležne sportske organizacije.

1.3. „Povjerljive informacije” označavaju informacije koje se odnose na svako takmičenje koje osoba posjeduje na temelju svog položaja u odnosu na sport ili takmičenje, isključujući sve već objavljene ili opštepoznate podatke, lako dostupne zainteresiranim građanima ili objavljene u skladu s pravilima i propisima koji uređuju relevantno Takmičenje.

1.4. „Učesnik” znači bilo koja fizička ili pravna osoba koja pripada jednoj od sljedećih kategorija:

- a. "sportista" znači bilo koju osobu ili grupu osoba koja sudjeluje u sportskim takmičenjima;
- b. "pomoćno sportsko osoblje" znači svaki instruktor, trener, menadžer, agent, osoblje tima, službeno osoblje tima, medicinsko ili pomoćno medicinsko osoblje koje radi ili tretira sportiste koji sudjeluju u sportskim takmičenjima ili se pripremaju za njih, kao i sve druge osobe koje rade sa sportistima;
- c. "službenik" znači bilo koju osobu koja je vlasnik, dioničar, izvršni direktor ili član osoblja subjekata koji organizuju i/ili promoviraju sportska takmičenja, kao i suci, članovi žirija i bilo koje druge akreditovane ili angažovane osobe. Izraz također obuhvata rukovodioce i osoblje OK BiH ili, prema potrebi, drugu nadležnu sportsku organizaciju ili klub koji priznaje takmičenje.

1.5 „Sportsko klađenje, opklada ili klađenje ” znači svako klađenje s ulogom novčane vrijednosti u očekivanju nagrade u novčanoj vrijednosti, koje je predmet budućeg i neizvjesnog događaja u vezi sa sportskim takmičenjem.

Član 2 (Kršenje Kodeksa)

Sljedeće postupanje koje je definisano u ovom Članu predstavlja kršenje ovog Kodeksa:

2.1 Klađenje

Klađenje u odnosu:

- a. na Takmičenje u kojem Učesnik direktno učestvuje, a koje je organizovano pod jurisdikcijom sportskog strukovnog saveza BiH ili međunarodne federacije;
- b. na [Olimpijske igre] u kojima je on / ona učesnik.

2.2 Manipulacija sportskim takmičenjima

Namjeran dogovor, čin ili propust usmjeren na nepravilnu promjenu rezultata ili toka sportskog takmičenja kako bi se uklonila sva ili dio nepredvidive prirode sportskog takmičenja u cilju ostvarivanja neprimjerene Dobiti za sebe ili za druge .

2.3 Korumpirano djelovanje

Pružanje, zahtijevanje, primanje, traženje ili prihvatanje Dobiti u vezi sa manipulacijom takmičenja ili bilo koji drugi oblikom korupcije.

2.4 Povjerljive informacije

2.4.1. Korištenje Povjerljivih Informacija u svrhu Kladenja, u svrhu bilo kojeg oblika manipulacije sportskim takmičenjima ili u bilo koje druge korumpirane svrhe bilo od strane Učesnika ili preko druge osobe i/ili entiteta.

2.4.2. Otkrivanje Povjerljivih informacija bilo kojoj osobi i/ili entitetu, sa ili bez Dobiti, ako Učesnik zna ili je trebao znati da bi takvo otkrivanje moglo dovesti do toga da se informacije koriste u svrhu Kladenja, ili bilo kojeg oblika manipulacije takmičenjima ili u druge koruptivne svrhe.

2.4.3 Davanje i/ili primanje Dobiti za pružanje povjerljivih informacija, bez obzira na to da li se neke povjerljive informacije stvarno pružaju.

2.5 Neprijavljivanje i mehanizam izvještavanja

2.5.1 Neprijavljivanje OK BiH ili relevantnom mehanizmu ili tijelu za otkrivanje/izvještavanje, prvom mogućom prilikom, sve detalje o svim pristupima ili pozivima koje je učesnik primio da sudjeluje u obliku ponašanja ili incidentu koji bi mogao predstavljati kršenje ovog Kodeksa.

2.5.2 Neprijavljivanje OK BiH ili relevantnom mehanizmu ili tijelu za otkrivanje/izvještavanje, prvom mogućom prilikom, sve detalje o bilo kojem incidentu, činjenici ili predmetu koje Učesnik primijeti (ili kojih bih trebao biti razumno svjestan), uključujući pristupe ili pozive koje je primio drugi Učesnik da sudjeluje u obliku ponašanja koje bi moglo predstavljati kršenje ovog Kodeksa.

2.6 Izostanak saradnje

2.6.1 Izostanak saradnje u bilo kojoj istrazi koju je sproveo OK BiH, nacionalne organizacije ili sigurnosne agencije u vezi sa mogućim kršenjem ovog Kodeksa, uključujući, bez ograničenja, propust da pruži tačne, potpune i bez nepotrebnog odlaganja bilo kakve informacije i/ili dokumentaciju i/ili pristup ili pomoć koju je OK BiH, nacionalne organizacije i sigurnosne agencije zatražio kao dio takve istrage.

2.6.2 Ometanje ili odgađanje bilo koje istrage koju provodi OK BiH, nacionalne organizacije ili sigurnosne agencije u vezi s mogućim kršenjem ovog Kodeksa,

Kodeks o sprječavanju manipulacije takmičenjima

uključujući bez ograničenja prikrivanje, zloupotreba ili uništavanje bilo koje dokumentacije ili drugih informacija koje mogu biti relevantne istrazi.

2.7 Primjena članaka 2.1. do 2.6

2.7.1 Pri utvrđivanju da li je počinjena povreda, sljedeće nije relevantno:

- a. Učestvuje li Učesnik na predmetnom Takmičenju;
- b. Rezultat Takmičenja na koje je opklada stavljena ili se namjerava staviti;
- c. Da li je ikakva Dobit ili neka druga naknada zaista primljena ili data
- d. Priroda ili ishod opklade;
- e. Da li su postupci ili propusti na predmetnom Takmičenju utjecali (ili su mogli utjecati) na postignuće i nastup Učesnika;
- f. Da li su postupci i propusti na predmetnom Takmičenju utjecali (ili mogli utjecati) na rezultat;
- g. Da li je manipulacija uključivala kršenje tehničkih pravila relevantnih međunarodnih ili nacionalnih sportskih federacija;
- h. Da li je Takmičenju prisustvovao nadležni nacionalni ili međunarodni predstavnik OK BiH, sportskog strukovnog saveza BiH ili međunarodne federacije.

2.7.2 Bilo koji oblik pomoći, podržavanja ili nastojanja Učesnika koji bi mogao kulminirati kršenjem ovog Kodeksa tretirat će se kao da je počinjena povreda, bez obzira je li takvo djelo u stvari rezultiralo kršenjem i/ili je povreda počinjena namjerno ili iz nehata.

Član 3 (Disciplinski postupci)

3.1. Istrage

3.1.1 Učesnik za kojeg se tvrdi da je počinio kršenje ovog Kodeksa mora biti obaviješten o navodnim počinjenim povredama, detaljima navodnih radnji i/ili propusta i opsegu mogućih sankcija.

3.1.2. *Obavijest Učesniku može se izvršiti predajom obavijesti odgovornom sportskom strukovnom savezu BiH, članici. Sportski strukovni savez BiH, članica, dužna je odmah priopćiti obavijesti Učesniku. Vrijeme dostavljanja obavještavanja je u nadležnosti sportske organizacije.*

3.1.3. Na zahtjev OK BiH, nacionalne organizacije ili sigurnosne agencije, predmetni Učesnik mora pružiti sve informacije za koje OK BiH nacionalna organizacija ili sigurnosna agencija smatraju da mogu biti relevantne za istragu navodne povrede, uključujući evidenciju u vezi s navodnom povredom (kao što su brojevi računa i informacije o kladjenju, detalji telefonskih računa, bankovni izvodi, evidencija internetskih usluga, računari, tvrdi diskovi i drugi elektronski uređaji za pohranu podataka) i/ili izjava u kojoj se navode relevantne činjenice i okolnosti oko navodnog kršenja.

3.2 Prava predmetne osobe

U svim postupcima povezanim sa kršenjem ovog Kodeksa moraju se poštovati sljedeća prava:

3.2.1. Pravo na informisanje o optužbama; i

3.2.2. Pravo na pošteno, pravovremeno i nepristrano saslušanje bilo ličnim pojavljivanjem pred OK BiH, nacionalnom organizacijom ili sigurnosnom agencijom i/ili dostavljanjem odbrane u pisanoj formi; i

3.2.4 Pravo na pratnju i/ili zastupanje.

3.3 Teret i dokazni standard

OK BiH, nacionalna organizacija ili sigurnosna agencija snosi teret utvrđivanja da li je došlo do kršenja Kodeksa. Standard dokazivanja u svim pitanjima prema ovom Kodeksu bit će ravnoteža vjerojatnosti, standard koji podrazumijeva da je zbog prevlasti dokaza veća vjerojatnoća da je došlo do kršenja ovog Kodeksa.

3.4 Povjerljivost

OK BiH, nacionalna organizacija ili sigurnosna agencija mora striktno poštivati načelo povjerljivosti tokom čitavog postupka; informacije bi se trebale razmjenjivati sa entitetima samo na osnovu potrebe da se znaju. Svaka osoba na koju se postupak odnosi mora strogo poštivati povjerljivost dok slučaj ne bude javno objavljen.

3.5. Anonimnost osobe koja podnosi prijavu

Anonimno podnošenje prijave omogućeno je putem pošte na adresu OK BiH ili druge relevantne organizacije kojoj se vrši prijava.

Preporučuje se direktna prijava na internetsku liniju za integritet i poštivanje MOK-a dostupnu na: www.olympic.org/integrityhotline.

3.6 Žalbe

1. Žalbe se podnose OK BiH i sportskim strukovnim savezima BiH koji imaju odgovarajući žalbeni okvir unutar organizacije u okviru disciplinskih pravilnika ili obraćanje vanjskom arbitražnom mehanizmu (kao što je arbitražni sud) OK BiH ili MOK-u.

2. Opšti postupak žalbenog okvira definisan je statutom i propisima OK BiH i sportskih strukovnih saveza BiH, ali neograničavajući se na rok za podnošenje žalbe i postupak obavještanja o žalbi. Definisaće se žalbeni rok.

Član 4 (Privremene mjere)

4.1 OK BiH i sportski strukovni savezi BiH mogu izreći privremene mjere, uključujući privremenu suspenziju, ako postoji određeni rizik po ugled sporta, uz istovremeno poštivanje članka 3.1 do 3.4 ovog Kodeksa.

Kodeks o sprječavanju manipulacije takmičenjima

4.2 Ako se izriče privremena mjera, to će se uzeti u obzir pri utvrđivanju bilo koje sankcije koja u konačnici može biti izrečena.

Član 5 (Sankcije)

5.1 Tamo gdje se utvrdi da je počinjeno kršenje Kodeksa, OK BiH i sportski strukovni savezi BiH izreći će Učesniku odgovarajuću sankciju iz raspona dopuštenih sankcija, koje se mogu kretati od upozorenja kao najmanje do doživotne zabrane kao najviše sankcije. (OK BiH i sportski strukovni savezi BiH mogu naznačiti sankciju koja se primjenjuje za svako kršenje, npr. financijske sankcije, diskvalifikacija rezultata, oduzimanje medalja ili osvojenih nagrada, obrazovanje, troškovi itd.)²

5.2 Prilikom određivanja primjenjivih sankcija, OK BiH i sportski strukovni savezi BiH uzima u obzir sve otežavajuće i olakotne okolnosti i u pisanoj odluci detaljno opisuje učinak takvih okolnosti na konačnu sankciju.

5.3 Značajna pomoć koju pruža Učesnik koja rezultira otkrivanjem ili utvrđivanjem krivičnog djela od strane drugog Učesnika može smanjiti bilo koju sankcije primijenjenu prema ovom Kodeksu.

Reintegracija

Jednom kada istekne period nepodobnosti Učesnika, on ili ona će automatski ponovo biti podobni za učešće u matičnom sportu pod uslovom da je:

- o završio na zadovoljstvo OK BiH i matičnog saveza BiH svako službeno obrazovanje o integritetu nametnuto kao sankcija disciplinskog tijela OK BiH ili matičnog saveza BiH;*
- o je u potpunosti platio bilo koju novčanu kaznu izrečenu prema ovom Kodeksu i/ili bilo koje sudske troškove koje je izrekao disciplinski organ OK BiH ili matični savez BiH; i*
- o pristao je da se podvrgne bilo kakvim razumnim i proporcionalnim mjerama praćenja svojih budućih aktivnosti u vezi sa matičnim sportom, koje OK BiH ili matični savez BiH može smatrati potrebnim s obzirom na prirodu i opseg počinjenog kršenja.*

Član 6 (Uzajamno priznavanje)

6.1 Podložno pravu na žalbu, OK BiH i sportski strukovni savez BiH će priznati i poštivati bilo koju odluku u skladu s ovim Kodeksom bilo koje druge sportske organizacije.

² Jedinica za olimpijski pokret za sprečavanje manipulisanja takmičenjima pružit će, na zahtjev, 'Smjernice za sankcionisanje takmičarske manipulacije od strane sportskih organizacija', e-mail: OMUnitPMC@olympic.org

Kodeks o sprječavanju manipulacije takmičenjima

6.2 OK BiH i sportski strukovni savez BiH će priznati i poštovati odluke koje je donijelo bilo koje drugo sportsko tijelo ili nadležni sud koji nisu Sportska organizacija definisana ovim Kodeksom.

Član 7 (Implementacija)

7.1 U skladu s pravilom 1.4 Olimpijske povelje, sve Sportske organizacije vezane Olimpijskom poveljom slažu se da će poštivati ovaj Kodeks.³ OK BiH i sportski strukovni savezi BiH vezani su za Olimpijsku povelju i stoga se slažu da će poštivati ovaj Kodeks.

7.2 OK BiH i sportski strukovni savezi BiH se obavezuju na primjenu ovog Kodeksa u okviru svoje nadležnosti, uključujući obrazovne mjere.

7.3. Podrška za implementaciju Kodeksa OM Code PMC -a i sva dodatna pitanja vezana za predmetni kodeks mogu se dobiti na e-mail: OMUnitPMC@olympic.org

Sarajevo, 16.09.2021.g.

SARAJEVO
Broj: 1157-02/21
Datum: 24.09.2021.g.



Marijan Kvesić
Predsjednik

³ Ovaj Kodeks odobrio je Izvršni odbor MOK-a 08. decembra 2015